

# TEMPLO ER KID





*“Ak yaksok er kau el kmo  
a Rubak a mo meskau  
ongasireng el Ngii a medengei  
el kmo kousbech sel bocha  
modersau el mo mesiou e  
oldanges er a chelsel a templo  
er Ngii.*

— President Russell M. Nelson





## Ngera belkul aikal Templo?

Sera uchelel a Uodel Renged, ea Rubak a uldercheterir a rechedal el ngara telbiil el mo omekedechor a templo. Sera lolutii a Ikelesia er Ngii, e a Rubak a liluut el melekoi er a profet, Joseph Smith, el mo omekedechor a templo.

Ngara chsel a templo, e ke de ngmai a tokubets el klengeltengat me a klisiich el mlara Dios.

A tara kot el ngarbab el klengeltengat el ngarngii er a templo a mo dmak el kiei el mo cherechar lobengkel a Dios me a telungalek er kid. A ngeiul tial klengeltengak, eng kired el oltirakl a llechul. Sel tengetengel me a klisichel a Jesus Kristo a ruii tiang meng mo sebechel. Ng sebeched el merael el mo uai a Jesus Kristo sel dechoit a temed el ngara templo e oltirakl a okesiul.

## Telbiil me a Chedaol Ruoll

Ngara chsel a templo, e kede meruul a telbiil sel dongedmoki a chedaol ruoll el mo olngeseu er kid el ngoriakl er a klengar. A



OLECHOTEL A TEMPLO ER A KIRTLAND

telbiil a yaksok el doruul er ngii el lobengkel a Dios. A chedaol ruoll a chedaol lomeruul el mekedmokl lokuu a ngerachel er a priesthood er a Dios. A chedaol ruoll a ngosukid el mo medengei e melatk a telbiil el de riruul.

Ngara chelsel a templo, e kid a soiseb er a telbiil el mo oltirakl a llechul a Dios. Ngii a yaksok el mo omekngeltengat er kid sel dotirakl a telbiled.

Ng di tal chelsel a templo eng sebeched el soiseb er a telbiil e ngmai a chedaol ruoll le ngulsbechall er a mo nguu a diak a ulebengelel klengar er a chelsel sel kot el ngarbab el renged. A omengetmeklel a chedaol ruoll er a templo a klebokel e meklou a belkul el tebedechel sel yaksok er kid el mo oltirakl er a Jesus Kristo. Ng dirrek el klou a ultutelel er chelechang el dongedmokl el kirel sel tara klebesei el de luut el mo kiei lobengkel Ngii me a Demad er a Babeluades.

## Ak Mekera Kungedmokl er Ngak?

Ng kmal sebechem el remuul a betok el mo kudmeklau el mora templo. El ua tiakid, ng kirem el ngara nglunguuch e mesuub a ebangelio er a Jesus Kristo e oltaut a ikal osisecheklel er a klenger er kau. Ng dirrek el kirem el mo blak a rengum el mengull a ikel chedaol yaksok el kau a mla ngmai, el di uai sel telbiil el kau a ngiluu sera ometecholb

A techolb chedil a kot el dauch er chedaol ruoll er a ebangelio. Tiang a usbechall er a chelsel sel rael er a telbiil el lemuut el mora Dios. A uriul er a techolb chelid, e ke nguu a sengk er a Chedaol Reng, el dirrek lokuu a tara chedaol ruoll. Kid a muklatk er a ikel telbiil el de riruul sel dolai er a chedaol belsoil sel bek el sandei er a ikelesia. A bebil er a meklou a ultutelel el chedaol ruoll er a ebangelio a uldimukl er ngii a mechedaol el mora Melchizedek Priesthood (mora rsechal), me a ngeiul sel mui el klisiched, e mo merenged er a chelsel a templo (er a chelsel tial klenger malechub a uriul er tial klengar).





LLECHEKLEL A BLIL A TECHOLB CHELID ER A YIGO





Aikal chedaol ruoll er a priesthood me a telbiil a omekrael el mora kot el ngarbab el klengeltengat el Chedam er a Babeluades a olab lomesterir a rengelekel—a sel techall el lmuut el mo kiei lobengkel e obengterir a telungalek er kid ruriul er tial klengar er a beluuelechad.

## Omtechei el kirel a Techolb Chelid e Olterekol

A Osobel a ulsisechakl el kmo a ngeiul a techolb chelid e molterekokl a klou a ultutelel. A rokui el chad el sorir el mo oltirakl er Ngii e lmuut el mora Demad er a Babeluades a kirir el mo nguu a techolb chelid e mo meterekokl. A Rubak a millekoi er a Nicodemus: “A chad a lak el bol mechell er a ralm me a Reng, eng diak el sebechel soiseb er a rengedel a Dios.” (Johanes 3:5)

Sel “metecholb er a ralm” a belkul a kmong nguu a techolb chelid, e sel “mechell er a Reng” a belkul a kmong nguu a sengk er a Chedaol Reng leng mla moterkokl.

A Osobel er sera lolutii a Ikelesia er Ngii lokiu a Profet Joseph Smith, eng ulsisechakl el kmo a techolb chelid a direke ulsbechall. Ng dirrek el ulsisechakl el kmo a techolb chelid a kirel mekedmokl lokiu a chad el ngii oba a ngerachel er a priesthood.

## A DIOS A BETIK A RENGUL ER A ROKUI EL NGELEKEL

A rokui el chad a ngelekel a Dios. Ngii a mekreos ra rokui el chad. Ngii a medengelterir e betik a rengul er tir. Betok el chad a ngar ngii a techellir el mo nguu a ebangelio e metecholb er chelechal direke el chad. Engdi ng kuk uangeral kirir tirkel mla mad el direkak lenguu a techolb chelid e diak e lodengeliu a Jesus? Malechub e tirkel miltechol el dimlak lokiu ngkel loba meral ngerachel? Te me kerang a bol sobel el dirrek? A Dios a direkak lobes er tir!

Ngara chelsel a templo, eng sebeched el kudmokl a chedaol ruoll er a techolb chelid e olterkokl el kirir tirkel tir a mla mad

e dimlak a techellir el nguü a ebangkelio. A chedaol ruoll el mekedmokll el kirel a rebibil a okedongall el *omtechei* el chedaol ruoll (malechub eng *omerull kirel* a tang el chedaol ruoll).

A techolb chelid me a olterekokl el mekedmokl er a templo el kirir tirkel mla mad a sengk el meruul leng beltikelreng.

Ke doumerang el kmo a klengar a melelem ruriul er a kodall e a llemtel a chad el melilt a diak a terkel el llach. Kid a dirrek loumerang el kmo tirkel mla mad a medengei a ikal chedaol ruoll el mla mekedmokl el kirir e sebecherir el melilt el kongei el ngmai.

## **A RE NGEASEK ME A RE BECHES EL CHEDAL A IKELESIA A SEBECHIR EL MERUUL A IKANG**

A re ngeasek el dil me a re milchedaol ngeasek el sechal a sebechir el nguü a kengei er a mo er a templo lomuchel er a Kot el buil er sel rak el bol teruich me a eru rekrir. Tial kengei a mechitetrir me te mo erea templo el omtechei er a chad el mla mad el kirel a telcholbechelid el kirir me a oterkeklir. A klou el chad el beches el chedal a ikelesia a dirrek el sebechel nguü tial kengei er a mo er a templo.

A Omtechei el metecholb e moterekokl a sebechel meketmokl el mora chedam me a chedil, me a rdemerir me a rderrir, merrengir, udelir, ochellir, obekrir,oktemellir, le kauchad, me a relmuut el bebil.

A telungalek a sebechir el mengai el mo mesisiich loku tial bekokouii el lomeruul. Ng mo sebechem el melchelsuar er a dmolech el reng el mora telungalek er kau e mo kmeed er a Dios Tial rengum el mortir a sebechel meskau a klisiich, e mokrael, e klou a rengum. Tia mo omekngeltengat er a klengar er kau er a betok el tekoi.

## **Mui el Klisiich er a Templo**

A tekoi el mui el klisiich a belkul a kmo “ng sengk.” A mui el klisiich er a templo a chedaol ruoll el Dios a omeskau a chedaol







LLECHEKLEL SEL DELMERAB ER A YIGO EL KIREL OMERENDG

el klengeltengat. A ikal klengeltengat a kmal di Ngii a omeskid. Tial mui el klisiich a kmal di kirel mengai er a chelsel a chedaol templo er Ngii.

A mo melai er tial mui el klisiich lekor kau er a templo a kirel tara kot el chedaol e klou el tekoi er a klengar er kau. Te betok el chedal a Ikelesia a nguu tial mui el klisiich el mortir ruchei er a le bol missionary malechub eng uchei er a bol bechiil. A rebebil a kuk di oba klou el klemeriar reng el merael bedul uchei el ngara rael er a telbiil. Ng klou a ultutelel bo modengei el kmo tial mui el klisiich el mnguu a klou a ultutelel e klebokel el telengtengil a omerolem el mo cherechar.

A ikel bebil er a sengk el bom ngai lokuu a mui el klisiich er a templo a:

- Ngarbab a klemedengei er kau er a moktek er a Rubak me a osisecheklel.
- Klisiich el mora rokui el Dios a soal a bo doruul.
- Chedaol ulekrael me a ulekerreu a merkid sel dosiou er a Rubak, telungalek er kid, me a re bebil.
- Mo klou a urunguled, ongelaod, me a budech.
- Yaksok ra klengeltengat el mei er chelechang el mora diak a ulebengelel.

E uaisei, aikal rokui el klebokel el klengeltengat ra mui el klisiich a di ultuil er a blak el reng er kid.

E le uchul a chedaol ruoll me a telbill er a templo a chedaol e klou a belkul el mo cherechar, eng kmal kirir a rechedal a ikelesia el mo klikeid. E dirrek el kirir el mo ungil medengei a ikel ngerachel el tir a mo kongei sel bocha loruul a telbiil lobengkel a Dios.

## Merenged er a Templo

Sel kot el klou el deuil a klengar a debetik er ngii er a chelsel a telungalek el kaubeltikelreng. A mesisiich el deleiongol er a

telungalek a kirel louedikel. Engdi tial ureor a meskid a klou el deureng er tial klengar el mo cherechar. Molmuut er a chelsel a telungalek el delongelir meng mo metacherbesul malechub ngdiak lultebechel, le tial ebangkelio er a Jesus Kristo a meskid a urunguled, ongelaod, me a omekungil. Ngar sel uldesuel a Demad er a Babeluades er a deureng, e a re bechiil el sechal me a redil a sebecherir el mo dmak lobengterir a rebetik er a rengrir el mo cherechar.

Sel ngerachel el loldak er a telungalek el mo cherechar a domekedong er ngii el kmo klisiich er a omerenged. Tiang a osisiu el klisiich el Jesus a ngiluu el mesterir a re Apostol er Ngii er sera lolsisechakl er a lengar tial beluulechad (mesa Mateus 16:19). Me a chebechiil el mo cherechar el uaisei a domekedong er ngii el lomerenged. A rengalek el mechell malechub e te merodel el mortal chebechiil el mo cherechar a sebechir el mo merenged el mora telungalek er tir el mo cherechar. Me a ikel chebechill el mo nguemed “dil merekmo kodall,” e a omerenged er a templo a rulii me a kodall a diak el bol lomii er a rebetik er a rengud.

A sechal me a redil el kaubuch e merenged er a chelsel a templo a soiiseb er a chedaol telbill lobengkel a Rubak me tir el terung. A ikal telbiil a rulii me a deleongel er tir a di ngarngii molmuut er a iuriul er tial klengar alsekum me tir a mera loltirakl a ikel blel yaksok.

A telbiil er a chebechiil el mo cherechar a dirrek el usbechall el mo soiseb er sel kot el ngarbab el rengedel a babeluades. Sel kot el ngarbab el renged a diak a ulebengelel klengar—el ngii a diua klengar er a Dios. A Dios a olab a rokui el klemedengei, rokui el klisiich, me a rokui el llomes. Ngii a ungil a rengul, bekokeuii, e ubechubechad. A kot el ngarbab el renged a belkul a kmo a tara klebesei e kid a mo uai Ngii. Ng belkul a kmo ng sebeched el kiei lobengkel er sel kot el ngarbab el dauch er a kot el ngarbab el rengedel a babeluades. Tia sel kot el ngarbab el sengk el Chedam er a Babeluades a sebechel nguu el mesterir a rengelekel.

A Rubak a ungil medengei el kmo ngdiak el rokui el ngelekel a





ngarngii a techellir el mo bechiil er tial klengar. Ngii a yaksok el kmo rokui el nguu a ebangkelio e mengull a telbilir el ngilai a morngii a techellir el mo bechiil e oungalek, er a chelsel tial klengar malechub sel mei el klengar.

A chedaol ruoll er a omerenged a oldak er a rechedam me a rechedil el mo er a rengelekir er a chelsel a rokui el telcheroll er a uchelel a beluulechad. Sel mo odersii tial klengeltengat el mora rokui el chad, e tirkel dirke kiei a sebechir kukdmeklii omerenged lomtechei er tirkel mla mad. Me a rokui el telungalek a mo sebecherir el dmak el mo cherechar. Di uaikel rokui el chedaol ruoll el domtechei er a chad, e a ikal omerenged a di sebechel mekedmokl er a chelsel a templo.

## Kengei el mora Templo

A mo soiseb er a templo a chedaol techall. E le ngii el blil a Rubak. Ngii a kudmokl a kerbai loltirakl tirkel mo soiiseb e meruul a chedaol ruoll er a templo. Ngokiu sel cheldech duch el melai er a kengei el mora templo, e a rechedal a ikelesia a oterkeklii el kmo te blak a rengrir el oltirakl a kerbil a Rubak. Chelsel sel cheldech duch, e a rechedal a ikelesia a mo onger aikal ker el beldukl el nga er a page 16.

A re meklou el chad el mla chedal a ikelesia el bekord el ta el rak a sebechir el ngmai a mui el klisiich er a templo e mo merenged. Ng kirel eru el taem el bo msiseb er a cheldech duch el mo melai er a kengei el mora templo el kirel aikal chedaol ruoll. A kot a cheldech duch lobengkel a bisop (malechub a branch president) e kuk mo obengkel a stake president malechub a mission president.

A beches el chedal a ikelesia me a rengeasek el teruich me a tang el mo rebab a rekrir a sebechir el nguu sel kengei er a mo er a templo lokiu a cheldech duch lobengkel a chedal a klebisop (malechub a merredel er a branch). Tiang a mesterir a techall el mo melai a techolbechelid e moterkokl.

## KER ER A NGEIUL A KENGEI EL MORA TEMPLO

- Kau ngarngii a klaumerang er kau er a Dios, el Chedam el Mo Cherechar, me a Ngelekel el Jesus Kristo, me a Chedaol Reng?
- Kau ngarngii a klaumerang er kau er a Tngakireng er a Jesus Kristo me a ngerchelel el Osobel e Olsobel?
- Kau ngarngii a klaumerang er kau er a Olutel a ebangkelio er a Jesus Kristo?
- Kau koldubech er a President er a Ikelesia er a Jesus Kristo er a Uriul-klebesei el Santo el ngii a profet, chad ra ues, me a ocholt e ngii a dita el chad er tial beluulechad el oba ngerachel el loruurt aikel rokui el kiis er a priesthood?
- Kau ke oldubech er a re chedal sel First Presidency me a Chelechad er a re Teruich me a terung el Apostol el profet, chad ra ues, me a ocholt?
- Kau ke oldubech er a re General Authority me a re menguteling er a Ikelesia er a basio el omngarngii?
- A Rubak a mla melekoi el kmo a rokui el tekoi a kirel mo “mekedmokl loak a klikiid lomeruul” er medal. (Doctrine and Covenants 42:41). Kau ke blak a rengum el mengikiid er a uldesuem me a blekerdelem? Kau ke olngesenges er a llechul a klikiid?
- Kau ke oltirakl a osisechakl er a Ikelesia er a Jesus Kristo sel di le kau el tang malechub em teloi er a rechdal a telungalek er kau malechub a rebebil ra rechad?
- Kau ke olngeseu malechub e koldubech a ngii di el osisechakl, suobel el ngii a omtok er a ikel ngii a ngara Ikelesia er a Jesus Kristo er a Uruil-klebesei el Santo?
- Kau ke blak a rengum el mengull er tial Ulengull el sils meng chedaol, er a blim me a ikelesia; e ngara ikel miting ra ikelesia; mengedmokl el kirel e klikiid el melai er a chedaol belsoil; e kiei el oltirakl a llach er a ebangkelio?



- Kau ke melasem el melemalt er a rokui el omoruul?
- Kau ke mui el harau a ongeltacher? Mo er tirkel beches el chedal a ikelesia el melai er sel kengei er a mo er a templo: Kau ngar er ngii er a rengum a mo oltirakl er a llechul a ongeltacher?
- Kau kungil medengeli e oltirakl er a llachul a Ulekereuil a Bedenged?
- [Mora remeklou el chad] Kau ngarngii a ngerchelem er a tekingel a udoud malechub eng ngidi el ngerachel el mora mle bechim malechub a rengelekem? Asekum eng ngarngii, aikal ngerchelem ng kldmokl?
- [Mora re mla nguu a klisiich el meklou el chad] Kau ke oltirakl a telbiil el mriruul er a templo, uldimukl a oubail a garment el mlosisechakl er a ngeuil a mui el klisiich?
- Ngarngii a meklou el klengit er a klengar er kau el kirel mekedmokl lobengkel a oba ngerachel er a priesthood el ngii a tebedechel a ouchel reng er kau?
- Kau ke mesekau el kliiid el mo soiseb er a blil a Rubak e meruul a chedaol ruoll er a templo?

## Blechoel Lomais el mora Templo, Asekum eng Sebechem

A techall el mora templo a kot el klou el klengeltengat. Blechoel el mong, alsekum eng sebechem. Mosuub a betok el kirel a uldesuel a Dios el mora rengelekel, mo melchesiu er a Chedaol Reng er Ngii, e meruul a chedaol ruoll el kirir a rebeldekem.

Ng di uai kel rokui el chedaol ruoll el mekedmokl er a templo, tirkel tir a mla mad a medengei a urerem el modars. Me tir a sebecherir el melilt el mo kongei a ikel omrirul el kirir.

A blinglem el mo mtechei ra chad el kirel a chedaol lurerele er a templo a dirrek el meskau a techall el lemuut el mo remenges a klengeltengat, osisechakl, me a telbiil. Ngokiu a blam siseb el



lomeruul er a templo, e ke momes a betok el teletael el tial uldasu er a mo suobel a omekngeltengat er a klengar er kau me a rebetik er a rengum. Aikel bom suub me a bo momelchesiu a mounngil bleketakl e lmuut el mo kesiokel ra rengum sel lorael a taem el mong. Sel obong, e kau a mo omelchesiu er a beltikelreng er a Dios e mo muklatk er aikel ngii a meklou a ultutelel.

## Mesiou el Oureor er a Templo

A re oureour er a templo a chedal a ikelesia el olab a kengei el mora templo el mengoit a temir el mesiou el ngara templo e di tir el melilt a idisel a taem el bo losiou.

A roureor er a templo a olngeseu er a rechedal a ikelesia el kudmokl a urerir er a templo. Te dirrek el olngeseu er a chelsel a obis er a templo malechub a kuk bebil er a usbechall el lureor. A roureor er a templo a diak el ludeudel. A roureor er a templo a sebecherir el mesobil malechub e tebechiil, ngeasek malechub e te meuodel.

Alsekum eng soam el mo oureror er a templo, e moutekangel el mengedecheduch er a bishop er kau malechub a branch president.

